



Broj: 15-09-10-929-2/2026
Sarajevo, 31.03.2026.godine

Svi sudovi i tužilaštva u Bosni i Hercegovini

n/r svim sudijama, tužiocima

Članovi Visokog sudskog i tužilačkog vijeća Bosne i Hercegovine

Sudije i tužioci kojima je prestao mandat, obveznici podnošenja izvještaja o imovini i interesima

Predmet: Poziv za podnošenje izvještaja o imovini i interesima sudija, tužilaca i članova Vijeća za 2025. godinu, dostavlja se.-

Poštovani,

u skladu sa članom 86. i 86k. Zakona o Visokom sudskom i tužilačkom vijeću Bosne i Hercegovine („Službeni glasnik BiH“, br. 25/02, 93/05, 15/08, 48/07, 63/23, 9/24 i 50/24), (u daljem tekstu: Zakon o VSTV-u BiH) propisana je obaveza sudija, tužilaca i članova Vijeća da dostavljaju početni i godišnji izvještaj o imovini i interesima, a kako je to predviđeno relevantnim odredbama Zakona o VSTV-u BiH i Pravilnika Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima („Službeni glasnik BiH“, br. 20/24, 57/24, 37/25, 14/26 i 20/26), (u daljem tekstu: Pravilnik u vezi s izvještavanjem).

Ovim putem Visoko sudsko i tužilačko vijeće Bosne i Hercegovine (u daljem tekstu: VSTV BiH) poziva obveznike podnošenja izvještaja o imovini i interesima da svoje izvještaje za 2025. godinu dostave Odjelu za provođenje postupka po izvještajima (u daljem tekstu: Odjel) **u periodu od 01.04.2026. do 30.04.2026. godine**, u skladu sa rokom propisanim odredbama člana 86. stav (6) Zakona o VSTV-u BiH i člana 19., stav (5) i (6) Pravilnika u vezi s izvještavanjem.

Izvještaji o imovini i interesima se dostavljaju elektronski, putem Modula imovinskih kartona - MIK ili u štampanoj formi, poštom, odnosno lično na adresu VSTV-a BiH.

Ukoliko se izvještaj dostavlja elektronski, obveznici popunjavaju elektronski obrazac i elektronski učitavaju priloge uz izvještaj. Modulu imovinskih kartona pristupa se putem linka: <https://mikobrazac.pravosudje.ba>, korištenjem ličnog korisničkog naloga. Popunjeni obrazac izvještaja mora biti potpisan kvalificiranim elektronskim potpisom. Ovako dostavljen izvještaj **ne dostavlja se** dodatno i u štampanoj formi.

U slučaju da se izvještaj dostavlja u štampanoj formi, obveznici preuzimaju na računar obrazac izvještaja objavljen na web stranici VSTV-a BiH, računarski popunjavaju podatke, štampaju i vlastoručno potpisuju dokument. Nakon toga, izvještaj sa priložima je potrebno dostaviti na adresu: *Visoko sudsko i tužilačko vijeće Bosne i Hercegovine, Odjel za provođenje postupka po izvještajima, Kraljice Jelene 88, 71000 Sarajevo, sa naznakom „POVJERLJIVO“.*

Ovim putem napominjemo da dostava izvještaja elektronskim putem osigurava zaštitu, integritet i vjerodostojnost Vaših ličnih podataka, budući da eliminiše mogućnost ljudske greške prilikom unosa podataka iz izvještaja u MIK od strane uposlenika Odjela, te eliminiše rizik od gubitka poštanske pošiljke i neovlaštenog uvida u Vaše lične podatke. Istovremeno, na ovaj način značajno se smanjuje vrijeme obrade izvještaja, što dovodi do veće efikasnosti rada Odjela, a samim time i ubrzanog stupanja na dužnost imenovanih nosilaca pravosudnih funkcija. Također, ističemo značaj korištenja MIK-a od strane što većeg broja obveznika u nastupajućem izvještajnom periodu, s obzirom da će se od 2027. godine izvještaji dostavljati isključivo elektronskim putem.

Podsjećamo da je u prethodnom periodu VSTV BiH u saradnji sa Agencijom za identifikaciona dokumenta, evidenciju i razmjenu podataka Bosne i Hercegovine omogućio pribavljanje kvalificiranog elektronskog potpisa nosiocima pravosudne funkcije i članovima Vijeća. U skladu sa zaključcima sa sjednice Vijeća održane 25. i 26. marta 2026. godine, ovaj kvalificirani elektronski potpis, kao i potpisi drugih ovlaštenih izdavaoca, mogu se koristiti za potpisivanje izvještaja o imovini i interesima.

U cilju osiguranja pravilnog i potpunog popunjavanja izvještaja o imovini i interesima, Vijeće je na sjednici održanoj dana 4. i 5. marta 2026. godine usvojilo Uputstvo o načinu popunjavanja obrasca izvještaja o imovini i interesima sudija, tužioca i članova Vijeća, broj: 15-02-2-1296-1/26 (u daljem tekstu: Uputstvo), a kojim se detaljnije utvrđuje način popunjavanja i dostavljanja izvještaja. Uputstvo sadrži neophodne smjernice za popunjavanje elektronskog i štampanog obrasca, a isto dostavljamo u prilogu.

Kako ste već ranije obaviješteni dopisom VSTV-a BiH, broj: 15-09-10-929-1/2026 od 19.02.2026. godine, Vijeće je, na sjednici održanoj 11. i 12. februara 2026. godine, usvojilo Pravilnik o izmjenama i dopunama Pravilnika u vezi s izvještavanjem, kao i izmjene Obrasca izvještaja o imovini i interesima.

Sve relevantne informacije i dokumente za popunjavanje i dostavljanje izvještaja o imovini i interesima možete pronaći na web stranici VSTV-a BiH, na linku: <https://vstv.pravosudje.ba/vstvfo/B/141/kategorije-vijesti/1198/125761/127958> . Za dodatne informacije i pojašnjenja, molimo da se obratite Odjelu za provođenje postupka po izvještajima VSTV-a BiH, putem e-mail adrese vstv.mik@pravosudje.ba ili telefona 033/704-679.

S poštovanjem,

Predsjednik VSTV BiH

Sanin Boqunić

Prilog: - Uputstvo o načinu popunjavanja obrasca izvještaja o imovini i interesima sudija, tužioca i članova Vijeća, broj: 15-02-2-1296-1/26 od 19.03.2026. godine;

Dostavljeno:

- Naslovu

$$-a/a$$